

東臺縣志

第七冊

卷二十七	卷三十
尚義	流寓
卷二十八	卷三十一
壽考	方技
卷二十九	卷三十二
隱逸	列女

東臺縣志卷之二十七 傳八

尙義 捐施

施周里黨任邨鄉鄰急人之急如急在身匪以慕
俠匪以市恩其心藹藹其風淳淳志安拯饑予敬
指困彼也樂義此也敦仁志尙義

明

盧源永盛團人正統二年輸穀千石賑饑民奏聞旌表
後遇歲凶又捐麥千五百石仍設廠三官殿招各竈
饑民人日給米一升婦女則書片紙與令親人驗領
不使復來又賑米數千石王良時方勸賑嘉其義以

東臺縣志

卷之二十七 尙義

一

孫女妻其子榮

傅本淳安豐人隆慶三年海潮泛溢漂没亭場禾稼本
淳捐糧百石賑之臺使給以冠帶

周大才安豐人渾厚樸實仗義輕財萬曆十六年捐糧
賑饑有司旌表及其門閉戶不納曰此吾分內事也

壽八十 是年古孫家莊孫鎮字仰菴代民納地丁數
千兩州牧譚默旌之日尙義之家

吳穗 吳响 吳暎 吳宓俱安豐人萬曆十六年捐
糧賑饑官司給榜旌之

曹東 姚萱 孫銳 徐注 張輔 韓勝 張四維
顧街 向鸞 郭憲 孫鈿 張應泰俱梁堦人隆

慶四年捐糧賑濟萬曆中又賑官司給以冠帶鸞子
儀萬曆九年十七年兩賑竈民王鑑 王增 仲慥

曹時同時捐賑官司旌其廬

楊梓安豐人萬曆十七年歲凶竈戶饑梓捐糧助賑有
司給以冠帶

崔行夫富安人萬曆十八年捐粟賑饑有司給榜旌之
吳大成富安人捐地建社學與之金不受分司徐鵬舉
書於冊儲懽誌其墓

王文貴安豐人民曾祖也與其子公美從子尙端捐建
廣容石橋布政司林茂爲之記

東臺縣志

卷之二十七

尙義

二

王汝勝安豐人海河淤塞捐貲開濬竈民利之

王宸安豐人本場草蕩舊疆爲梁梁所侵訴之有司得
悉循其舊

金價何梁人萬曆四十三年條陳鹽桶事宜侍御謝中
吉頌銅桶分給三十場定爲制兩淮南北至今賴之
曹滄本城人賑粟施棺捐金倡建養濟院御史汪道昆
爲作記

鄧僖本城人性介直不阿排難解紛不避勞怨有急助
以財必令有濟而止

曹汝言本城人萬曆四十八年場有築城之役兵備道

馬從龍念城下孤冢千餘備棺百具欲遷座而無其地汝言遂捐地一區盡收骸骨埋之馬給榜獎之
丁澤富安人萬厯閒捐糧賑饑有司給以冠帶
吳襲富安人萬厯時鹽場疊罹潮患廬蕩漂沒折課難供襲訴之侍御蔡時鼎得捐課七十萬兩淮以蘇顧可畏梁梁人樸誠嗜義萬厯閒曾葺三賢祠
呂常安豐人居於本城憫民冬涉罄貲倡建木橋十二座賴以利涉焉

王瑞本城人捐財濬市河爲貧人婚娶

梅儷本城人捐貲倡濬運鹽河

東臺縣志

卷之二十七

尙義

三

葛天仁本城庠生倡議濬河

姜恭 姚禮 梅玘 夏欽 錢圮 張英 梅實

裴慶 錢貴 盧堂 夏璽 葛積 葛金 房桓

沈梓俱本城人輸粟賑饑官司給以冠帶

姜松 姜稅 姜坦 鄧轅 沈橋俱本城人皆好施

捐賑官司給榜旌之

何良何梁人本場草蕩舊界爲鄰場所侵良同朱瑾訴於官竟得清釐闔場利焉壽九十八

王剡何梁人直諒尙義賑饑施棺座骸骨力行不懈壽

八十六

唐宏慶何梁人慷慨好義濟困扶危丁美舍把總孫應棟以非罪決配宏慶出三百金爲之納贖壽八十三金傑何梁人爲里長歲大侵貧甲逋稅難完傑悉代輸納次年大稔仍照本年輕直取償不收其息又有以產鬻之者憫其貧焚券還之

陳萬山何梁人好善樂施嘗載鹽回場適海潮突至男女奔竄萬山悉棄其鹽於水招集載救得數十八壽九十八

楊寬何梁人家甚貧又值歲歉偶行途得遺金一囊不啓封坐守其處待亡者至還之

東臺縣志

卷之二十七

尙義

四

楊炳慷慨好施 呂應周捐地建社學 朱濂 朱瑾

唐臣 夏穗 孫珏 陳洗 朱滿 周華翰粟賑

饑俱何梁人官司給以冠帶

周三孝梁梁人獨捐金建袁公橋

周自立梁梁人捐資修望海通濟二橋

曹可教梁梁人嘗值凶歲捐百金於鄉而不責其償

顧惟德梁梁人好義樂施凶歲有鬻其妻者代爲贖還之又有人以非罪株連羅縲絻者代贖其罪

崔芬富安人事寡母楊氏孝屢捐粟麥賑饑民施棺木

收道殮有司上聞錫以冠服

崔便富安人時十場草蕩不均多所兼并便力請當事
清釐之

周自興梁梁人歲凶親族貧鬻其子者十一人悉出金
贖還之

繆泮耕茶人嘉靖十八年海潮泛溢竈民溺死以千計
其存者多乏食泮乃輸粟千石多所全活臺使表其
門

徐宗賜 蔡浦 繆全文 沈連 繆紹夔 繆紹尹
繆廷楠捐貲餉軍捐粟賑饑有司給以冠帶

繆師昌協義竈蔡耀捐建冬生院俱耕茶人

東臺縣志

卷之二十七 尙義

五

潘道光角斜人諸生本場草蕩爲鄰場所併力請於官
歸復二千五百畝均之各竈已無所私 以上舊
十場志

國朝

曹一芳本城人家富不事儲積遇有公舉每出多金以
倡如建修城隍廟西方菴祥興菴以及橋梁道路不
下數千金至凶年賑濟尤其大者壽八十二
潘義本城人志存施濟每逢歉歲出米麥以賑貧窮疫
癘盛行施棺木以千計大吏交獎之壽八十一其父
澤長母某氏壽皆近九十二云

金希輅何梁人喜濟人惡難親族有婚娶喪葬來告者

無不應當明季時苦潦民多饑獨出數千金煮粥全活萬人以二千金建三官殿

繆三相字廷弼枏茶人剛毅爲一方所憚喜給納尙意氣明季海濱多警淮揚水災饑民流移境內者數千人時隆冬積雪凍餒相望三相出米五百石賑給全活者無算年七十餘子孫遊于庠者十三人康熙丙戌年饑其子營兩亦煮粥活人開醫局以救疫癘繆國賢枏茶人質實行善捐賑濟貧嘗重建場西鉅石橋助修三廟及五賢祠

蔡日新字文華枏茶人少入州庠長於詩文當明季時

東臺縣志

卷之二十七

尙義

六

旱蝗相繼連年捐賑所全活無算州牧陳素申請旌之晚年構造講堂以啓迪後進

徐士良枏茶人素行端謹勇於爲義太場五賢祠內舊有敷教堂歲久傾頽特爲置屋一區

徐日新枏茶人凡有善事力所能及無不勉強赴之嘗艤舟岸側聞隣船箠楚聲甚哀詢之乃遠方女子被掠逼使爲娼而不從者亟贖歸嫁之

周邦直枏茶人以端方著聞鄉間人有忿爭得其剖析無不釋然嘗有人餽以金爲請託者卻弗納

繆齊名枏茶人以濟人利物爲事如施藥助榷埋骨捐

賑常行不怠

以上康熙中十
場志鹽法志

錢允萬何槩人生平儉薄布衣敝履力行善事常獨修
便民橋易木以石又修本場街道

袁時授字聖傳安豐監生康熙初歲饑有數十人突至
其家劫去穀百餘石官司捕之亟時授力爲之解曰
此吾親戚輩乞貸耳非劫也事遂寢饑民間之皆感
泣不復擾閩境帖然

采袁氏
族譜

王元正梁槩人場署久廢康熙甲申元正捐銀一百四
十兩購新橋巷民屋以作場署有碑記

徐璟楫茶人康熙五十一年率其鄉人賑粥

東臺縣志

卷之二十七

尙義

七

徐捷字公前楫茶人諸生有沈氏者嫁女遺其奩貲歸
將自經捷拾諸道遍訪還之

施宗鏞字敬若安豐人慷慨尙義山陰丁世隆攝分司
數月罷居揚州囊橐蕭然宗鏞助貲令赴都尋復蒞
任待鏞有加鏞了不爲意亦不趨謁好賓客建別業
曰聽花草堂吳嘉紀有讌集詩

周從華字堯天楫茶監生雍正二年潮災捍海全隄盡
沒場境距海密邇爲害尤甚從華率衆請於官援河
隄例築子隄以禦海潮時總河嵇曾筠勘災從華叩
馬涕泣爲民請命嵇公呼之爲善人於是築子隄於

舊隄之南自枌茶黃沙洋口至角斜老壩頭凡四千八百餘丈名曰嵇公隄至今場人猶稱其後嗣爲善人子孫云

繆以覽字厚菴枌茶人賦性長厚與物無競雍正二年場民被潮以覽出其負券三百金各還其人學使景旌之曰宅心仁恕壽八十餘終子叢琮貢生見選舉孫洛諸生

繆遇賢枌茶人雍正二年被潮溺死者無算遇賢典質購繩席募夫掩尸千餘又嘗拾遺金出帖招其人還之

東臺縣志

卷之二十七

尙義

八

唐國珠字獻彩枌茶人雍正二年場境潮漲溢購棺木百餘具出尸於水葬之督學彭旌曰義重鄉閭子鴻鈞亦施衣藥有父風

繆其讓字文相枌茶人雍正二年潮災施棺埋尸煮粥活數百人

繆裔珍字廷玉枌茶人監生雍正二年海溢民饑裔珍賑粥三月泰州知州魏旌其門曰承流布澤

朱華字鄴水唐劉莊人初江南州縣輸納銀米並責里長每歲充里長者必傾其家尋己次第革除而泰州尙如故雍正二年華爲首請于藩司鄂得散里以除

積害有散里碑文

以上泰
州志

繆六愷字林安枌茶人監生其讓子慷慨好施凡恤災
救患里有義舉無不竭力爲之臨終命三分其產一
以與嗣子瑱一以分給族人一以奉繆氏二賢宗祠
香火里黨咸稱其賢碑記在二賢宗祠中

新鹽法志
參家傳

施嘉詔字鳴和安豐人貢生性耿介多善行里中王孟

承乏嗣爲立後授以田廬歲荒嘗捐粟五百石以濟

隣里錢塘胡則安

見流寓

作十紀詩志之裔孫維熊舉

于鄉

施氏
族譜

徐綸翰枌茶人嘗爲本場竈戶償逋課數百金

東臺縣志

卷之二十七

尙義

九

杜英字若愚梁梁人生平尙義敢爲姑母守節力扶持
之教其諸子以至成立場境隄東患潮水隄西患湖
水英遊歷上下河道審其要害繪圖立說迎

鑾籲請濬鐵索河洩湖水下海口築馬路隄以防潮水因

功大不果行論者惜之

袁嘉裔字啓人州同銜時授子慷慨有父風雍正八年
秋海潮淹竈地緩徵折價場使某徵如故災民無所
告至鬻妻女嘉裔白諸當事者乃緩其徵性耽吟好
學晚構望雲樓蓄古書以教子四方知名士咸造焉
著有望雲樓集老竹詩鈔子在朝附貢生恂恂儒者

著有椿蔭樓集小竹詩鈔

采袁氏族譜

楊錦字雯若富安人寡言笑輕財好施獨捐金輦石磬治場街建魁星閣置屋收租以供香火

王倫長字一和富安人性醇和重然諾嘗館於親屬吳姓吳臨歿出妻子以託吳族百計傾軋倫長力爲保護卒全其孤鄉人義之

李日升秦潼鎮人乾隆初薦饑煮粥賑餓者郡守高旌曰義等麥舟

胡治朱家埕人乾隆四年助賑米二百石

繆軌字王馭楫茶人少孤事母孝助賑施藥掩骼埋胔

東臺縣志

卷之二十七

尙義

十

前後施棺千餘具乾隆十九年郡守旌曰仁心爲質朱爾昌秦潼鎮人乾隆乙亥丙子間歲歉散穀以濟又獨斃本鎮石街

張麗生角斜人乾隆二十一年歲饑助賑二十五年海潮衝決范隄捐貲堵築分司程詣勘給榜曰從風樂善

周澤長本城人乾隆二十一年歲歉倡義賑粥州牧獎之壽八十九

姚濬何梁人捐送學田屢施棺木

錢青藜富安人監生考授州吏目乾隆二十三年呈請

建海安鎮百子橋涵洞其基址工料皆鬻產獨成至
今一邑田畝灌溉全賴此來源一線之流也

張璜字呂瞻安豐人任俠好施歲饑輒率鄉人輸粟以
賑窮約親戚多所調恤凡 文廟社學義倉浮橋無
不悉心經紀邑人賴之

符啓騫耕茶人監生乾隆二十一年率衆捐賑又捐糧
十日以濟饑民

吳秉義何梁監生爲人質實老成嘗還遺金施義槥與
劉恒吉徐東瀛等重建 文廟會計出納勤勞數載
而成又倡設何梁義棲所收養流寓老病無歸者至

東臺縣志

卷之二十七

尙義

十一

今鄉里稱之

劉製錦字啓昆乾隆五十年歲歉親族賴其調恤得免
饑寒里中多疫死者造棺二百具施之

程宗湯字禹傳梁梁人性樸儉治家有法樂施予凡於
街道橋梁不惜千金修整壽八十七

程兆椿字霞年宗湯次子慷慨好施遇親族貧困者必
給貲使學賈人有危難事竭力救援不計所費亦不
與人知施藥施衣行數十年不倦年七十五

姜周鳳本城人乾隆五十年大饑有草田在南新團語
附近饑民曰此田今年余不有其利惟君等刈取焉

由是全活者甚衆每歲除夕前十日出錢數百貫潛
投頽垣敗屋中又獨捐金濬 文廟泮池造建園橋
嘉慶九年淮湖災協邑人出米設施粥廠自冬及春
凡五閱月他如施棺木修葺橋道無不樂行
湯玉澄角斜場總竈也乾隆五十九年潮災倡同本場
商衆共捐米五百石貸給竈丁已復捐米二百五十
石

姜琮字蒼樹富安人事親恪定定省禮弟楚珩慷慨好
施家業中落琮爲變產償逋友人貧鬻女出金贖之
育於家及笄歸其母逮嫁贈以妝奩精於醫有貧友

東臺縣志

卷之二十七

尙義

十一

病代爲治藥潛投以貴品聘名師教子本德舉於鄉
餘皆爲名諸生有研下稿詩集

蘇學字文遠何梁人監生天性醇厚嘉慶癸亥春饑捐
金賑饑病革時命其子林榕杞出金一千一百兩創
建西溪書院事聞奉

旨旌以樂善好施坊表

楊九恩字搢樹仇湖莊人兄分產後蕩盡歲給以銀米
不使憂貧年饑賑粥冬寒贈衣有求者輒應臨歿命
其子載詩載銘捐顧家莊熟田直二千金送西溪書
院以助諸生膏火事聞奉

旨旌與蘇學同

袁永和字帶河鹿汪莊人監生性醇實好施予遇歉歲於鄉里多所解推尤敬禮讀書之士每值賓興捐資爲邑中寒素備卷燭臨終命子超續行之至今勿替陳師樂字日華富安人壯年鰥居終身不娶嗣從子繼倫以父遺產分給諸從子曰分潤應爾也凡捐粟修橋施棺等事力行不已壽七十餘

朱廷琛秦潼人少鰥不再娶歷四十餘年建石橋施棺七百餘具

東臺縣志

卷之二十七

尙義

十二

許國寧富安人醇厚好施嘉慶乙丑水災捐賑三月朱崧本城人嘉慶十年十一年煮粥賑濟分運色給以榜曰德星雙耀

王子章字蔭堂本城人貢生待兄弟友愛有加性剛斷能言遇公事多所建白嘉慶乙丑水首倡勸捐行糶糶法鎮江鄧太守勘災至縣獻水利十策如革除丁溪草堰各開董事修換槽板當事多採擇焉

杜大元安豐人慷慨尙義嘉慶十年呈請將自置房屋一區改建家祠并田一百畝供祭祀以餘息修譜設義塾年六十五卒先二年喪其子將所存產分給兩從孫族人德之

夏昉字融山何梁人監生爲人豪放不羈嘉慶八年春
賁賑率其屬蔡天佑悉力董理夜以繼日凡三閱月
始畢饑民賴焉十年六月久雨淮湖並漲闔境倉皇
縣署積薪民爭取一空十五日大雨平地水深數尺
衆洶洶劫掠米市昉短衣跣足率家屬數人逕至米
市縛渠魁三人送於縣日將晡有儲姓者據市橋以
劍指揮饑民蠢聚其勢張甚昉潛出其後突奪其劍
戕其右肱賊不能逞餘黨駭散地方以安冬出江買
米備賑共載米三十七船夜泊曠口少頃遙聞號救
聲時昏黑風狂水勢洶湧皆懼莫敢前昉獨駕小艇

東臺縣志

卷之二十七 尙義

十四

破浪往乃舟觸斷埂將沉衆拽之乃免其平生義勇
類如此

士能出而參贊

仁化建功立業使天下蒙其福固足尙矣否則處於里
巷之中不吝財以濟人不懼患以衛人其志亦不
容盡沒也顧其事不皆出於醇謹之儒而一鄉已
受其蔭庇則又不妨節取焉以爲後來者勸已

捐施

乾隆四十一年邑人捐建

文廟胡屏五百兩 王家槐四百五十兩 劉恒吉三百

兩 張慎修二百二十兩 徐德和二百兩 范楷
二百兩 程宗湯一百四十兩 葛鶴年一百二十
兩 吳秉義 宣文彬 趙果 蘇成儒 何鼎
薛友鳳 崔之楓 湯玉源 劉永吉 周孚兼
夏東山 王世安 王嘉祥俱一百兩時場鎮共捐
銀萬餘其不及百兩者概未書名

乾隆四十三年本城監生陸詩捐送 文廟泮宮牆地
基一段嘉慶二十一年詩子圮繼父志又將餘地一
并捐送

嘉慶三年知縣王逢源建明倫堂宣淳 蘇蕃 梅禮

東臺縣志

卷之二十七

捐施

十五

三人董理各捐銀一百兩并建大門四楹在訓導宅
前

嘉慶十年大水本城平糶東臺何梁典商吳又新 戴
達源 劉隆興共捐錢二千緡 鹽商鮑日利三百
八緡 鮑永安二百三十七緡 江昌茂一百三十
二緡 徐厚大二百二十六緡 吳德麟一百一十
三緡 鄭洪順一百五十緡 吉世昌二百一十二
緡 殷潤大一百一十緡 李樹淮八十一緡 洪
裕升 葉吉泰 方恒泰共一百八十一緡 士民
唐文魁五百緡 蘇林五百緡 呂俊四百緡 魏

聯珠四百緡 姜德新四百緡 洪世徵三百六十
緡 丁世彥三百緡 祝大亮三百緡 宣淳一百
緡 蘇蕃二百緡 孫得禮二百五十六緡 江廷
英二百四十緡 呂堅二百二十緡 王權一百五
十緡 鍾大儒 業儒 鴻儒共四百緡 王子章
金撰 周楷 程關錫 項正高 周守安 姜廷
謨 邵永泰 葛椿 楷 榕各一百緡 王文選
九十四緡 王士祥八十緡 蔣鵬銀一百兩 張
士雄一百兩 宣龍德一百兩 蔣一鳳一百兩
王垂露 姚懋德 夏昉 汪世芳等三十四人共

東臺縣志

卷之二十七

捐施

十六

錢六百八十三緡銀三百一十兩米四石

梁梁鹽商程起茂一千緡 汪德興八百緡 鄭敏發

七百緡 程兆梓一百緡 典商戴時昌三百四十

緡 士民范素 周志誠等二十八人共二百二十

八緡 程起式等施粥一百日

安豐鹽商員國泰 程介昌 鮑日新 李翕茂 程

長德 汪恒興 黃恒茂 鄒恒裕 余福大 程

立生 鮑勤遠 江恒發等十二人共錢四千緡

典商程震和 錢鋪暢隆盛 姚興聚 鄭春源等

四人共六百五十緡

富安鹽商羅姓泰 張廣德共錢二百緡 典商程恒
泰一百二十八緡 士民崔燕二百四十緡 許國
寧九十緡 何堯階八十緡 姜本德 孫紹齡
王蘭 崔新盤等四十三人共九百緡

拑茶鹽商江正泰 承裕 春元共錢一百六十
緡 典商汪道生八十緡 士民繆景瑤一百五十
緡 徐載陽 徐東寅八十緡 張警民八十緡
沈六宏八十緡 繆文儒 徐武憲 蔡方荀 徐
兼遠等五十六人共六百四十九緡

角斜鹽商汪瑤圃 宋繩武 鄭亨嘉 胡昆源 黃
東臺縣志 卷之二十七 捐施 十七

雙茂 鄭恒泰 葉誕初共銀七百五十兩 士民
湯穎川一百八十兩 吳維城 湯榮川 繆立朝
吳宏質等四十八共錢六百三十緡

秦潼鎮典商鍾益大等米七十石 士民朱廷琛銀三
百兩 李蘊輝三百兩 李蘊珍二百兩 丁亨槐
一百五十兩 朱棠 朱鈺 田之淮 沈爲梅
王治裕等二十四人共四百四十五兩 李鏡錢二
百緡

北朱莊李士標銀三百四兩 秦潼鎮田珍捐穀以賑
凡三次銀一千兩 新莊高魁 駿共錢一百緡

陶家莊陶天佑一百緡 五張莊李夢魁三百緡
沈家埭邵珩二百緡 北王莊薛錢一百緡 樂業
莊周潤二百緡 扎梁陳玻一百緡 仇湖莊顏日
祥 顏瞻五等共一百緡 朱贊元等八十緡
是役也知縣徐崇烱捐錢五百緡又銀五十兩分司
色克精額錢一千緡東臺場大使裘彬五十緡何梁
揚大使唐廣惠六十三緡梁梁場大使韓紹荆一百
緡富安場大使劉天成二十四緡拊茶場大使沈鈞
銀一百兩例得附書

徐崇烱勸捐申文略曰竊東邑本年因高寶湖水下

東臺縣志

卷之二十七 捐施

十八

注海潮上擁一時不能宣洩以致田畝民居率皆淹
漫被災最重仰蒙憲臺軫念災黎奏請賑卹并酌撥
川米下縣平糶俾闔境編氓得沐

恩施惟是東邑被災莊分衆多分撥川米僅七千石分廠
平糶祇足敷衍目前而秋盡冬交小民之啼饑號寒
有不得不預爲經畫者卑職與在城紳士共相籌策
關心甚切衆力易擎現在城中紳士及鹽典各商已
捐有一萬數千金自行買米接濟平糶其四鄉之秦
潼安豐等場鎮各紳商等亦樂捐米麥分給本鎮貧
民實堪嘉獎統俟捐有成數辦畢後詳請分別獎勵

奉總督鐵公保批江省州縣能得士民心者近殊罕
覲如鹽城阜寧兩不相洽吏治可知接東臺稟知紳
士捐貲助粥多至萬餘金此固士民好義亦邑令有
以勸諭之信於平日方能效於臨時願賢侯曲體鄙
懷保全民命義壩卽日堵閉責令總以設法消疏積
水爲要又各屬粥賑恐十月後不繼現已倡議合省
官員捐貲採買冬來粥廠至明年二月而止於災黎
或稍有裨益已人奏矣寄去墨刻拙書十張可分送
捐貲紳士銀牌二十面兵民有好義者分賜之統俟
事定後再示鼓勵也又巡撫汪公志伊批本部院循

東臺縣志

卷之二十七

捐施

十九

環糴糶之法最妙不可不行竟已有行之者可嘉之
至先開名單及捐數送閱獎勵必以信勿託空言

嘉慶十一年大水本城平糶鹽商鮑日利 鮑永安

江昌茂 徐厚大 吳德麟 鄭洪順 吉世昌

殷潤大 李樹淮 葉吉泰等共捐銀一千三百四

十五兩 典商吳又新 戴達源 劉隆興等共銀

一千六百兩 士民唐文魁五百兩 蘇林五百兩

呂俊四百兩 魏聯珠四百兩 姜德新四百兩

丁世彥一百六十兩 金撰一百兩 呂堅一百兩

子章 姚懋德共七十兩

嘉慶十五年建 文昌閣邑人程兆楊捐送閣頂 金
撰 姜德新 蘇榕先後共捐銀一千四百兩 呂
泰三百兩 姚懋德 楊九恩 吳泐 吳淳 唐
文魁 魏聯珠 丁世彥 朱鳴 趙祥發各二百
兩 祝大亮捐錢八百緡 王路 趙昇高 許國
寧 潘璜 袁超 高棟 王應台 徐光國 王
兆熙 徐葭園 顏瞻五 王蘭 朱棠等共捐錢
六百五十餘緡 十三年富安孀婦王錢氏捐送楊
家莊熟田四十二畝 十七年本城立安僧捐送東
門外河南荒熟田一百零八畝永作歲修香火之費

東臺縣志

卷之二十七

捐施

二十

嘉慶十九年大旱大城平糶鹽商鮑日利 鮑永安
江昌茂 鄭洪順 吳德麟 殷潤大 吉世昌
李樹淮 洪裕升 方恒泰 梁駿聲 何勤泰
黃雙茂 鄭亨嘉共捐錢七百八十八緡 典商吳
泐 李如桐 戴延祖 周書共銀二千兩 士民
蘇榕錢五百緡 呂俊 姜德新 魏熙 丁世鳳
祝大亮五人各四百緡 呂堅一百二十七緡 孫
璐一百二十二緡 王士祥二百緡 張鐸一百二
十緡 黃景昌 沈本齡各一百緡 蔣鵬 孫珠
各八十緡 金撰 夏昉 姚懋德 王書 王兆

熙 洪謙德等二十八人共六百九十四緡

梁槩鹽商程起茂捐錢八百二十緡 汪德興五百緡

鄭敏發五百緡 典商戴時昌四百緡 士民程健

亭 郭棟等三十五人共二百三十四緡

安豐鹽商仇萬福捐穀一千五百石 鮑致遠錢三百

緡 程奕文 鄭騰上 周景共二百四十緡 典

商程震和六百緡 士民李宗哲一百六十緡 劉

元炳一百五十緡 洪萃林一百緡 丁宏炤一百

二十緡 侯方毅 侯懋勛 劉錦文 茆朱氏共

四百緡 杜杞 袁承福 王昕 姚典 丁謙

東臺縣志

卷之二十七 捐施

二十一

莊啓堂 徐永甲 葉嘉餘 魏國華 吉符軒等

七十二人共一千三百三十八緡

富安鹽商羅勤茂 張大安共捐錢三百緡 興商程

恒泰二百四十緡 士民崔貽孫 錢宗阮 姜樹

德 吳嘉珠 盧修綵 王蘭 張鵠 丁振基

申元 唐兼金等十八人共二百八十一緡

拏茶鹽商鮑有恒捐錢三百緡 典商汪道生二百緡

士民繆景瑤 繆孚尹共三百緡 徐載陽一百六

十緡 徐中孚一百緡 張向宸八十緡 徐文煥

繆慈 繆昌曙 徐綽等二十五人共二百五十六

緡

墩頭莊劉璜 劉啓秀等二十人共捐錢八十緡

是役也知縣趙宜槐捐錢八十緡分司汪賢登七十

五緡何梁場大使韓修淳五十緡梁梁場大使吳紹

沅一百緡安豐場大使譚際時一百三十六緡例得

附書

嘉慶二十年兩江總督百以十九年捐賑士民彙奏
奉

旨議叙呂俊紀錄一次仇萬福周書吳泐蘇榕姜德新魏

熙丁世鳳祝大亮等予以職銜

東臺縣志

卷之二十七 捐施

二十二

按乾隆五十年奏准凡捐銀三百兩以上者請題

議叙三百兩以下者給予匾額嘉慶二十一年奏

准部議現任候補候選人員予以加級紀錄其捐

職人員由現在職銜崇其品階至職銜較大而銀

數少者仍予加級紀錄其餘舉貢生監及民人等

或予以頂帶或予以職銜均應按其捐輸銀數分

別酌量議叙

嘉慶二十年捐修本城街道夏昉錢二百六十五緡

魏熙二百緡 唐春旭一百六十緡 呂俊一百五

十五緡 丁蘇氏同子世鳳三百緡 姜德新一百

二十五縉 祝大亮 蘇榕 吳泐 周書各一百
縉 王兆熙 王伯瑾 宣橿等四十一人共六百
五十五縉

施藥

乾隆二十一年春疫安豐傳祐字篤周精醫術施藥濟
人

嘉慶元年疫邑人姜日漳 習秀嵩倡設藥局於本城
東嶽廟都天廟延醫施藥以救貧病

施棺

乾隆十二年至二十二年富安何天秩捐貲施棺力竭

東臺縣志

卷之二十七

捐施

二十三

而止 十九年拊茶管鴻儒施棺至壽終而止 鹽法志

二十一年本城庠生周楠設粥廠於三官殿施棺千
餘具 三十年至四十二年本城葛鶴年約施棺五
百餘具 四十五年拊茶繆英書等同建拊茶同仁
堂施棺木 五十九年至嘉慶元年本城王文選共
施棺二百餘具 五十九年至嘉慶十九年安豐典
商程震泰鹽商鮑致遠等共施棺數百具

嘉慶二年釋剛崖捐貲三百金於邑之宋石莊彌陀寺
設局施棺 本城汪世芳捐貲施棺四百餘具分司
巴旌之曰懋齡修德壽八十四兩給粟帛 十年木

災本城金撰 呂俊 魏聯珠 宣橦 蘇榕 姜
德新等共捐錢六百緡 五百具并給葬費 十
一年復被水災捐施如前 十年王子章 祝萬年
袁濤 潘純 姜聯甲 鄧榕等十二人共捐錢
二百緡施棺二百具亦給葬費 許九臯 于學安
等五人共捐錢五十緡施棺五十具 喻仁貴施棺
二百餘具 十九年金撰 呂俊 夏昉 丁世鳳
祝大亮 姜德新 蘇榕 宣橦 魏熙 唐春
旭 典商吳澎等 鹽商洪長齡等又共捐錢四百
二十六緡施棺 梁梁程起茂施棺一百具 安豐

東臺縣志

卷之二十七 捐施

二十四

林學廉 王芝茂 袁觀堂 梅貫堂等共捐錢二
百四十緡施棺一百具 二十年安豐袁超 杜杞
姚典 劉元炳等共捐錢一百三十七緡施棺
拏茶繆中 繆景瑤 繆德音 徐中孚 符元正
繆孚尹 蔡心 周榮 沈仙芝 張向宸 繆
秦封 李景儀等捐施本場三十總荒田五百二十
畝其草價錢入同仁堂施棺木 二十一年安豐朱
有德捐錢一百緡施棺 林學廉 王芝茂 袁應
旗 施惟邦捐錢二百四十緡又施棺一百具

以上
新增

義冢

本城義冢田三十畝在東門外張誠正十二畝龍季施

六畝曹文選施九畝潘有仁施白榔頭田一區鄧海

唐家河田十畝胡治施陳埭田二畝唐聖呂王槩

田十三畝五分 仇湖莊後田六畝皆徐嘉臣遺

謝家莊田六畝高繩武施周陳莊田一畝九分周振

孫小莊田八畝陳伯乾施又田八畝吉然施秦潼鎮田

三畝李日昇施時堰鎮田四畝嘉慶七年胡筠菴施又田三畝

潘斌施 又田十四畝潘璜施馮家舍田二十畝乾隆九年

陸雄施 陸家舍田六畝陸斯監施又田四畝陸殿仲

家舍田十四畝五分嘉慶十四年姜用盛施

何槩義冢田六畝蘇子貴施八畝潘有仁施北關橋三里灣

田十四畝雍正三年黃郁周施一里墩官路旁田二十畝乾隆

五十七年朱獻章施北二竈田三十二畝呂六藝施座族人孤貧者又施棺三

百餘具 又田十六畝金世榮施又鹽關南田一段

嘉慶十三年宣龍德喻仁貴同施北一竈田八畝呂俊施西海團

田十畝蔣岐山施

梁槩義冢田一區乾隆八年黃禹卜施三畝范素施隄東開家

舍田六畝乾隆二十三年呂尚雲施石牌樓路南田八畝嘉慶

單魁 東石牌樓田八畝高必施樂家舍田十畝樂

年施 樂家舍南薛家舍西田八畝薛長施苗家橋東

東臺縣志

卷之二十七 捐施

包垣北田三畝李施民 轉水橋北官路東田六畝嘉慶

十六年曹
可政施

安豐義冢田十五畝劉施永 刁家莊田六畝袁施錦 場

北范隄東田二十畝丁施堯 隄西山子梁田十五畝

施為 邦施 三竈河田三畝杜大元周 北三子梁毛家

洋田十八畝侯有 熟田一區王忠

富安義冢田八畝何鼎 田二十畝丁純 曠口莊田

九畝雍正二年 崔士紀施 土團田四畝乾隆十年 郭家莊

田九畝乾隆二十一年 崔士慧施 西場田八畝乾隆三十八年 崔聖儀施

通遠橋南田七畝吳貫之遺命 王家橋河東田八

東臺縣志

卷之二十七 捐施

二十六

畝何修 周家莊田十八畝沈大有子文

耕茶義冢田三十畝繆中 通濟橋運河北田二十四

畝管鴻儒施 又田二十畝徐利 荷花園田十畝

符聖妻 徐氏施 斗倉莊田十畝徐永蘭母 西洋莊田五

十畝徐承 周家舍田十六畝周冕

角斜場西義冢田一百二十畝嘉慶九年 田廣文 施

丁溪頭竈義冢田二十六畝焦錦 章施

前知縣王玉成曾捐何梁北關橋西田二十畝分司

楊廷俊捐東門外田一區富安場大使王志敏捐東

鹽壩月塘灣田六十畝亦以類附書其在任之年見

職官太

救火器具

分司衙門水砲一 水斗二十個
水兵十名
每名每月給工食銀五兩

縣治五鋪水砲一 水鎗一 四鋪水鎗一 二鋪水

鎗一 俱舖民公捐

何梁太平坊水砲一 水夫二十名
每月給工食外 水鎗

一 啓民坊水鎗二 俱坊民公捐

安豐太平坊水砲一 嘉慶十九年 又水砲一 鹽商程

永興坊水砲一 嘉慶二十年 武定坊水砲一 鹽商仇萬

福捐 燦玉坊水砲一 鹽商鮑致遠 又水砲一 坊民公捐 存

東臺縣志

卷之二十七

二十七

儉堂水砲一 鹽商公捐

秦僮鎮水砲一 水鎗一 嘉慶二十年
朱洋捐

道生 張正厚 繆彭侶 繆聘三 繆懿恭 徐葆昌
張向宸 蔡崑 徐懋勳 繆昌 繆湘 蔡受人
守二十七人倡捐米錢二千三百一十千文設廠賑
粥民灶活者無數

茶場紳士繆蒼 繆乾 繆景瑤 繆瑤圃 蔡崑
懋勳 徐葆昌 徐應封 繆本仁 管喬齡 翟六和
三十三人情敦桑梓踴躍輸公倡捐錢一千六百
一十緡置買花園頭通濟坊民田一百二十五畝十
總灶田二百五畝每年租息一百八十千文一爲
場諸生江南鄉試卷燭之費一爲本場童生泰州

東臺縣志

卷之二十七

捐施

二十八

試之資一爲本場同仁堂義棺嘉慶二十四年經
憲給匾獎勵

慶二十三年拊茶場泔陵鎮文生沈連監生顧岫顧
沈圻顧美顧桂等捐施義棺數百具
圻字義川監生拊茶場泔陵鎮人爲人性慷慨好施
遇歲荒嘗捐粟以濟里人之貧乏者嘉慶年間創
廣霖菴十二楹毘盧菴創建韋馱殿沈氏宗祠獨
廳屋三楹凡恤災救患以及一切義舉之事無不
躍爲之

